



Шогун ах, порымиз да гим верр!

Будь готов/

ЯМДЕ ЛИЙ

1933 ий 1 февраль годсек лектеш.



Ший салам, У ИЙ!

Звенигово район
Кожласоласе
«Теремок» йочасад
гыч Полина
ТОЛСТОВА. Тудо
«У ий чиём» конкур-
сышто 3-шо верым
налын.

Йүштө кугыза, Лумұдыр,
Юзо да Куп ұдыр йоча-влакым «У ий
куан» пайремыште вашлийынт. 25
декабрьште М.Шкетан лумеш Марий нацио-
нальный драме театрыште юзо шұлыш озала-
нен. Тушко идалык мучко тыршен тунемше,
түрлө конкурсышто сеныше икшыве-влак чумырге-
ныт. Звенигово район Чакмарий школын 7-ше
классыштыже тунемше да «Карусель» куштышо
ансамбльыш (вуйлатыше – Т.Е.Филиппова)
визымше ий коштышо рвезе-ұдыр-влаклан
(снимкыште) пайремыш толаш пиал шырге-
жалын. У ийлан увертарыме конкурс-
влакын лектышышт дене 4-5-ше
лаштыклаште палдарена.



Удыр-рвезе-влак, тиде QR-код полшымо дене «У ий куан» пайрем гыч изирак видеом ончен кер-
тыда. Тидлан шке смартфоншыкыда QR-кодым лудын моштышо приложенийым шындыза.

Марий Эллан 100 пӧлек

Сенгымаш



Фотом школын архивше гыч налме.

Морко район Коркатово лицейште кум волонтер отряд уло. Нунын кокла гыч иктыже – «Лицейсты добра» (снимкыште). Тудым кок ий ончыч

чумырымо. Вуйлатышыже – Л.И.Анисимова. Волонтер отряд шуко поро пашам шукта. Тений ятыр акцияш ушнен. «Марий Эл Республиклан – шӱдӧ поро паша» республикысе акцияштыште «Заповедная и уютная республика» номинацияштыште «Ялем мыйын, шӱкшак мыйын огыл» паша дене сенгышыш лектын. Саламлена!

В.СМИРНОВ, туныктышо.

Медведево район Руэм школын юридический классыштыже тунемше-влак «21 курымын компетенцийже-влак» форумш ушненыт да цифран усталык паша конкурсышто икымше верыш лектыныт. Михаил Тантаров «Сенгаш тыршымаш» номинацияшты икымше лийын.

Шонымашышт шукталтеш

Марий Эл Республикым Вуйлатыше А.А.Евстифеев «Ёлка желаний» всероссийский акцияш ушнен. Тудо кум икшывын шонымашыжым шукташ сӧрен. Курыкмарий район Ямангаш села гыч Ника Митрюшкина капкылым шураш швед пырдыжым йодын. У ий кожысо вес шар Йошкар-Ола гыч Николай Антоненков деч лийын. Тудо фотоапаратым вуча. Рӱдола гычак Ксения Уртьева ноутбукым йодын.



Шорыкйол кечын каваным лум петьра гын, кинде шочеш.

Калык пале.

Историйым шергалына

Руш-турко сарыште (1877-1878 ийла)

Болгарийым турко-влак деч утарыме годым Шейново села воктене 1878 ий 7-9 январьшты тале кредалмаш лийын.

Вашпижмаште сенгымаш руш армийлан да тудым вуйлатыше М.Д.Скобелевлан чапым конден.

Шочмо да руш йылмыла дене туныктышо-влакын Всероссийский мастер-классышт Моско олаште эртаралтын. Марий Элын чапшым Параньга район Матародо школышто тӱналтыш классым да марий йылмым туныктышо С.М.Максимова (снимкыште) арален. Светлана Михайловна «Учитель-наставник» тагасыште сенгышыш лектын.



Россий увер

Дагестан Республик гыч Акрет платан «Европын идалыкысе пуштыже-2021» тӱнямбал конкурсышто Российын чапшым аралаш тӱналеш. treeoftheyear.org сайтышке пурен, 1 февраль гыч йӱклаш лиеш.



Татарстан Республикыште шочмо йылме да литератур дене олимпиаде эртаралтын. 17 йоча марий йылме дене уш-акылжым терген. Агрыз, Мамалыш, Актаныш, Мензелинск районла гыч тунемше-влак сенгышыш лектыныт.



«Лӱдыкшыдымӧ орава-2020» всероссийский конкурсышто Татарстан Республикын командыже сенгышыш лектын. Кокымшо ден кумшо верлам Севастополь ола да Липецк кундем гыч ӱдыр-рвезе-влак налыныт.



Марий Эл увер

Шернур районысо Йоча усталык пӧртын туныктышыжо В.П.Алгаевын вуйлатымыш почеш Кукнур школын тунемшыже-влак Йӱштӧ кугыза ден Лумӱдырым шун гыч ненчаш тӱналыныт.



Шернур район гыч 13 ияш Алиса Шкалинан сӱретше почто конвертым сӧрас-тара. Алиса марий Йӱштӧ кугыза ден Лумӱдырым сӱретлен. Конвертым 100 экземпляр дене лукмо.



11-ше классыште тунемше да ончыкыжым вузыш пураш шонышо-влак ЕГЭ-м 2021 ий 31 май гыч 2 июль марте кучаш тӱналыт. Тений кугыжаныш экзаменым жап деч ончыч кучаш ок лий.

Йүштө кугыза саламлен

«У ий юзо» акция радамьште мер пашаен-влак, Йүштө кугыза ден Лумүдыр лийын, Волжский район Пекоза ялыште илыше Бычковмыт ешлан 200 килоан пөлекым наие-ныт. Ялыште 50 сурт яра шинча. Ял Бычковмытлан көра ила. Ешыште – шым ег (снимкыште): ача-ава да вич эрге.

– *Ме ушкалым, үшкыжым, сөснам, шорыкым да моло тыгыде суртволыкым ашнена. Мүйшым ончена. Мүйым күзена да олашке ужалаш наҥгаена. Кугурак эргына – салтак радамьште. Изиракше-влак Волжск олаште тунемьт, ковашт дене илат, каныш кечылан мөңгө толыт. Шочмо ялнам кудалтен каяш огына шо-но,* – оила суртоза Юрий Бычков.

Х.АЛЕКСАНДРОВА ямдылен.



Фотом Интернет гыч налме



Ийготыш шудымо-влаклан Морко социал реабилитаций рүдер У ий пайрем вашеш йомак кугыжанышыш савырнен. Йоча-влак да рүдерын пашаенгышт түрлө семын сөрастареныт.

Фото-влакым рүде-рын архивше гыч налме.

У ий вашеш изижат, кугужат юзылыклан ўшанат, пөлекым вучат. «Единая Россия» партийын Звенигово районысо отделенийын (вуйлатыше – Н.В.Лабутина) депутатше-влак школлаште тунемше-влаклан пөлекым ямдыленыт. Йүштө кугыза Эсмекплек школышто сайын тунемше рвезе-ўдыр-влаклат кучыктен (снимкыште).

Л.В.МАКСИМОВА, туныктышо.



Чеверын, Шарнымаш да чап идалык.

Ок күл сар мыланна

Кугезе кочанам, Николай

Павлович Маловым, шарналтен
Ом керт чарен, пөрдеш тўтанла,
Ах, шўмым туржшо шарнымаш:
Пурем окопыш – немьч танк-влак
Кудалын толыт авыраш.
Мый кудалтем гранатым налын,
Ик танкым кертым йўлалтен.
Да кодшо танк-влак моткоч талын
Адак лишемьт. Мом ыштем?!
Моткочак лўдын помыжалтым,
Вет лийын омо тиде кеч.
Мый шижым: мogyрем пўжалте,
Пўжвўд йога сангам гыч.
Смоленск кундемьште кредалын,
Шке вуйжым пыштыш кочаем.
Изи шўмемым ойго темьш:
Кочамым ом уж нигунам.
Ок күл война совет салтаклан,
Ок күл война тылат, мылам...
Кочамым нелын шарналталын,
Мый шучко омыш пөртылам.

Аня ден Алеся ГРОМОВАМЫТ.
Советский, Кукмарий.



Фотом школын архивше гыч налме.

Россий Президент В.В.Путин 2021 ийым Науко да технологий идалык семын увертарен.

Химий – илышын ужашыже. Тудо тўням шымлаш да умылаш полша. Ме лицейыште биологий да химий предметлам келгынрак тунемьна. Мылам түрлө опытым ышташ келша. Могай веществам мо дене ушаш лиймым да кузе ваш-талтмыжым пален налаш огай.

Настя ИВАНОВА.

Морко, Коркатово.



2021 ий - Ышкыж игалык.

Эрвелыште ўшкыж поянлыкын да вий-куатын символжылан шотлалтеш. Индийыште – шнуй янлык.

Ўшкыж – лүдды-мө, чолга, пашам йоратыше волык.

Эн ончыч мом ыштышашым шона, вара пашалан пижеш.

Ошо, шышталге, нарынчалге-кына тўс-влак келшат.

Парейгым, шере кочкышым, фруктым йората.

Ўскырт, енын ойжо дене ок келше.

Руш калык йомакым палыза. Ўшкыжын образше молан тунукта, шарналтыза.

1. «Бычок – черный ... , белые ...».
2. «Бычок – ... бочок».
3. «... бык».



Йїдвел Америкыште ылыше ир ўшкыжым кузе маныт? «Идет бычок, качается...» почеламутым кө возен? Беловежский пуцышто ылыше чодырасе ир янлык – ...?

Йўштө кугызашке савырныше Ўшкыжлан У ий пайремыш корным муаш полшыза.



Инесса СТЕПАНОВАН сўретше. Морко, Коркатово.

Юзо Кож

Йомак

Илен улмаш Кож. Икана чодырашке йоча-влак толын лектыныт. Мотор Кожым ужынытат, У ийлан пеленышт нангаяш кумылангыныт. Тыгодым йоча-влак деке Меран кудал толын да ойлен: – Ўдыр-рвезе-влак, пушенгым ида ру. Мый олмешыже юзо Кожым пуэм.

Йоча-влак келшенит. Кожым, мөнгө конден, пöрт покшелан шогалтенит да малаш возыныт. Эрдене кынемлеке ужыныт: Кож йыр – шуко-шуко пöлек. Куанымышт дене пушенгыш тўрлö модышым сакедылыныт. Тидеч вара кажне ийын У ий пайремлан кевытыште налме кожым сöрастараш тўналыныт.

Артём ИВАНОВ.

Йошкар-Ола, 24-ше №-ан школ.



Йүксö ден Мүкшиге

Республикысе марий тўвыра рüдер ий еда эртаралтше «У ий куан» регион-влак кокласе конкурсым тений онлайн да офлайн эртарен. Конкурсыш 370 паша пурен. Тўрлö ийготан-влак коклаште икымше верыш лекше-шамыч дене палдарена.

Снимкыште Маргарита СОЛОВЬЁВА (Виче кундем, Кикнур, Какшанмарий) ден Марианна СОКОЛОВАМ (Килемар, Йүксär) ужыда.

Нуно «У ий чиём» конкурсышто сенгышыш лектыныт.

Тыгак Кристина ФИЛИППОВА ден Ярослав ПОЛОЗКОВ (Волжск, «Светлячок» йочасад) ойырте-малтыныт.

«У ий модыш» конкурсышто Лиза ден Матвей МОСКАЛЕВМЫТ (Йошкар-Ола, 21-ше №-ан школ), Олеся СТАРШЕВА (Марий Турек, Хлебниково), Иван ПОЛУШИН (Оршанке школ) сененыт.



Г.ИОНАКОВАН фотожо.



Марла календарь почеш 2021 ий – Имнын идалыкше.

Имне – ушан, виян суртвольык. Нелытше – 400-600 килограмм наре, кужытшо 2,5 метр марте шуэш. Вуйдорыкшо – 620 грамм наре. Пуйжӧ ден кучшо ўмыржӧ мучко кушкыт. Имне пылышыже, шинчаже, нерже дене кумылжым ончыкта. Тудо айдеме семынак тўрлӧ койыш-шоктышан лиеш: холерик, сангвиник, флегматик, меланхолик. Мемнан эра деч ончыч 4000 ий гыч 2000 ий марте имне айдемын эн ўшанле йолташыже лийын. Тудын дене канаш коштын, сарыште крдалын.



Фотом еш архив гыч налме.

Йомак тўня

Музыкальный школна йомак тўняшке «савырнен». Снежная королева имныж дене вашка. Лумъен-влак пеш онай улыт. Африка гыч шумеш маймыл мемнам куандараш толын. Лукуштыжо мо коеш? Коча-кована-влак годсо телевизор дене «Голубой огонек» программым ончаш лиеш. Йырваш У ий шўлыш озалана.

Саша СТЕПАНОВА.

Волжский, Упшер.

Снимкыште: Марина шўжарем.



Мынар кайык кормушкыш толын?

Курыкышто мынар йоча?

Сўретыште мынар издер уло?

Мынар йоча камвозын?

Лум мӧчӧрым сўретлен пытарыза.

Сўретчын йонгылышыжым муза.

Мый ош телым йӧратем,
Ече дене мунчалтем.
Изи шольымат лектеш,
Лум курчакым ышталеш.

Рома ИШМУРЗИН.
Татарстан, Агрыз,
Буймо.

Тушто

*Ой, ош лыве шуко лектын,
петыренак кавам кертын.
Мландымбалне – ош
тӧшак, мунчалташ келша
пешак.*



У ий дене!

«У ий дене!» открытке конкурсышто икымше верыш Юлия СМЫШЛЯЕВА (Шернур, Зашижемье), Андрей ден Кирилл РОДИОНОВМЫТ (Волжский, Шарача) лектыныт.

Андрейын пашажым уждыда.

Йонгылыш лийын Степан

Йолташем Степан Никитин дене коктын ўчашенна. Тудо ойла: «Тений Йўштӧ кугыза огеш тол, пайремат огеш лий. Чыланат шучко чер деч лўдыт». Мый ынем ўшане. Классыштына эше кандаш ег тыге шона. Ме класснамат сӧрастаренна. Изи кожым шогалтенна. Йонгылыш лийынат, Степан. Теният Йўштӧ кугыза мемнам куандарыш. Марий калыкынат Йўштӧ кугызаж ден Лумўдыр уныкаже улмо нерген туныктышына деч пален нална. Нуно Шернур район Кукнурьшто илат. Тушко миен толаш кумылна уло.

«Йўштӧ кугызалан серыш» конкурсышто Игнат АКТУГАНОВЫН (У Торъял, Тошто Торъял), Вадим ЮЗУКБАЕВЫН (Пошкырт кундем, Мишкан, Чорай), Елена СЕМѐНОВАН (Йошкар-Ола, Национальный президент школ-интернат) серышышт эн онай лийыныт.

Игнатын серышыж гыч ужашым лудаш темлена.

2021 ийлан йоча гороскоп

Шорык (21.03.-20.04)

Ача-аважым писын шонен моштымж дене куандара. Тудо классыштыже лидер лийын кертеш. Урокушто чыла умыла гынат, тунеммаштыже нелылык лектеш. Тудо шкевуя илынеже. Ача-ава-влаклан пентгыдырак лийман.



Презе (21.04.-20.05)

Презе – ача-аван мутыштым колыштышо йоча. Тудо койыш-шоктышыж дене нелылыкым огеш кондо, шуэн черлана. Но кугыен-влаклан кугурак тўткышым ойырыман да ныжылгылыкым пўлеклыман. Кугурак класслаште тунемше йоча чолга лиеш. Тудо ончыкылыкшо верч тургыжлана.



Йыгыр (21.05.-21.06)

Ий тўналгыштак ача-аважым вуйлаташ тырша. Йоча уда койыш-шоктышан ынже куш манын, кугыен-влаклан чўчкыдын-рак тунуктен, кокланже вурсен каласыман. Тунуктышо-шамыч Йыгырын осал койышыж дене тўкнат.

Рак (22.06.-22.07)

Ўшкыж идалыкыште ОРЗ дене черланен кертеш. Ача-ава-влак йочан мом йодмыжым чыла шукташ тўналгыт гын, Рак эгоистыш савырна. Кугыен-влаклан тудым порылыклан, шкалан ўшаныше лияш тунуктыман.



Лев (23.07.-23.08)

Лишыл еҗге-влак деч поро шомакым, тўткышым вуча. Ача-ава-влаклан икшывын тунеммыжлан кугу верым ойырыман.

Школыш коштышын тазалыкшым эскерыман. Черлана гын, санаторийыш эмлалташ колтыман. Кугурак класслаште тунемшылан шкем кучен мошташ тунемман.



Ўдыр (24.08.-23.09)

Ача-ава-влаклан Ўдырым изинек спорт дене кылым кучаш шўмандыман. Тудын иммунитетше начар. Тунемме шотышто нимогай нелылык уке. Школышто – чылалан пример. Ўдыр шкетын лияш йўрата. Книгам лудеш, компьютер ончылно шинча. 11-ше классыште тунемше-влаклан вузыш тунемаш пураш кыртмен ямдылалтман.



Виса (24.09.-23.10)

Тудо поро кумылан, шыргыжаш йўратыше, мыскарам ыштыше. Виса йўршын гаяк ок черлане. Школышто тунемше поснак физкультурым йўрата. Моло предметлан кумылангдаш манын, ача-авадан пеленже ятыррак шинчыман.



Скорпион (24.10.-22.11)

Ныжылге кумылан, пашаче, ача-ава пелен лияш йўратыше. Тазалыкше пентгыдемже манын, теҗыз воктене канаш келшен толеш. Кугурак класслаште тунемше-влакын тунуктышо-шамыч дене кылым ыштыме годым нелылык лектын кертеш. Ача-ава-влаклан икшывышт дене чўчкыдынрак чон почын кутырыман.



Пикшызе (23.11.-21.12)

Тыматле койышан, утыжым кутыраш огеш йўрате. Но шкешотан улмыжлан кўра школышто вурседелмашым тарватен кертеш. Йолташыже-влак дене кыл лушка. Яра жапшышым шке таҗашыже-влак дене эртараш йўрата.



Ирказа (22.12.-20.01)

Изинек лудаш кумылан. Кугыен семын шонен мошта. Школышто шкенжым шыман куча. Тунуктышо-влак тудын нерген сай шомакым гына ойлат. Ача-ава-шамычлан Ирказам спорт секцийыш пуыман.



Вўд йоктарыше (21.01.-20.02)

Вўд йоктарыше почеш шукташ манын, лишыл еҗге-влаклан вийым погыман. Кугу тўткышым тунеммылан огыл, йолташыже-влаклан ойыра. Школым тунем пытарыше шкеж деч кугурак ийготан-шамыч дене кутыраш йўрата. Шкаланже келшыше у сомылым муэш.



Кол (21.02.-20.03)

Ача-аважым поро кумылан улмыжо, чоным почын кутырымыжо, ончыко ужын моштымж дене куандара. Кол гуманитарный предмет-влаклан шўман. Кугурак ийготан йоча ончыкылык илыш нерген шона, но кокытелана. Ача-аван каҗашышт чын ошкылым ышташ полша.



У конкур

Теле каныш



Снимкыште: Семён ПЕСТЕРНИКОВ (Шернур, Куэр).

Фотом 1 март марте колтыман.

Ўдыр-рвезе-влак, вучымо теле каникулда толын шуо. Жапдам пүртүс лонгаште эртареда, очыни. Курык гыч ече, издер, ватрушко дене мунчалтеда, лумъеным ыштеда, лум орым чонеда, түрлө модыш дене модыда. Онайын вайзалтын, фотографийда-влакым https://vk.com/yamde_lii тўшкашке сообщений дене колтыза. Пашада-влакым тиде групшышко верандена. Эн шуко лайкым погышо фото сенгышыш лектеш. ♥ шындыше «Ямде лий» – марла йоча газет» тўшкан подписчикше лийшаш.

Ешартыш лайкым кузе погаш?

10 лайк: заметкым, зарисовкым, ойлымашым, йомакым, почеламутым возен колташ.

200 лайк: электрон подпискым ышташ. 89027382237 номер дене

Сбербанкыш оксам колташ але тиде номерышке 150 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынар лайкым налеш.

400 лайк: «Ямде лий» газетлан почто гоч подпискым ышташ да квитанцийжым редакцийышке колташ.

Пөлек – пелен коштыкташ лийше колонко.



Ече, издер, волак дене Курык гыч мунчалтена. Шергылтеш йоча йўк дене Ялысе ик уремна. Кирилл КРЫЛОВ. Морко, Коркатово.

Тушто

Ош пондашан кугыза, луктын шыдыжым, йїд-воштак коштеш перкален пөрт пырдыжым.


Мастар кид



2021 ийын озажым картон гыч ышташ лиш. Ручкам, карандашым аралаш пеш сай арвер. Кўлыт: ош картон, шеме да кына тўсан кагаз, клей, вашкўзө. Картон гыч онгым пўчса. Тиде пундашыже лиш. Вес картон гыч капым да йолым кельштарыза. Кок изирак, ик кугурак онгым пўчса да клей дене вашла пижыктыза. Шем кагаз гыч шинчам, пылышым, тўкым кельштарыза, капшым сьорастарыза. Кына кагаз гыч нерым ыштыза.

Теле каникул

Кроссворд



1. Школыш коштышо йоча.
2. Телым мунчалтыме арвер.
3. Тунемме вер.
4. Марла йоча журнал.
5. Рушлагаже – январь, марлагаже – ...
6. Кайык.
7. Марий газет.
8. Туддене курык гыч мунчалтат.
9. Сутка жап.
10. Йїштө кугызан уныкаже.
11. Ошын велеш.

Артем МОЧАЛОВ.

Советский, Ёрша.



Индекс: П4696.
Тираж 1000 экз. Заказ
Формат – А-4-8.
Тўн редактор Л.В.СЕМЕНОВА.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.pf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиим аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.



Печатыш пуымо жап – 14-00, фактически – 13-00

Авторын да редакцийын шонамашышт түрлө лийын кертты. Серыш-влак мөнгеш огыт колталт. Ак – кутырен келшыме почеш.

Редакцийын да издателыне адресше: 424006, Йошкар-Ола, СССР Вооруженный Вийын 70-ше идалыкше урем, 20-шо пөрт. Тел. 8(8362) 45-22-82(факс)

2021



Шорыкйол

Шч	Кш	Вр	Из	Кг	Шм	Рш
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Пургыж

Шч	Кш	Вр	Из	Кг	Шм	Рш
				1	2	3
				4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

Ўярня

Шч	Кш	Вр	Из	Кг	Шм	Рш
				1	2	3
				4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

Вудшор

Шч	Кш	Вр	Из	Кг	Шм	Рш
					1	2
					3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

Ага

Шч	Кш	Вр	Из	Кг	Шм	Рш
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

Пеледыш

Шч	Кш	Вр	Из	Кг	Шм	Рш
				1	2	3
				4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

Сүрем

Шч	Кш	Вр	Из	Кг	Шм	Рш
				1	2	3
				4		
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

Сорла

Шч	Кш	Вр	Из	Кг	Шм	Рш
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

Идым

Шч	Кш	Вр	Из	Кг	Шм	Рш
				1	2	3
				4	5	
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

Шыжа

Шч	Кш	Вр	Из	Кг	Шм	Рш
					1	2
					3	
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Кылме

Шч	Кш	Вр	Из	Кг	Шм	Рш
				1	2	3
				4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

Теле

Шч	Кш	Вр	Из	Кг	Шм	Рш
				1	2	3
				4	5	
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

Шогаат: тўй бухгалтер Раисия Иванова, корректор Надежда Конакова, дизайнер-верстальщик Надежда Лаврентьева, редактор Христина Александрова. Шинчат: ответственный секретарь Людмила Григорьева, тўй редактор Лидия Семенова, редактор Елена Иванова.